

## Ñiic 41

1. Kä æ ñu ruac Kuoth ni ciah kæ naath œ?

-Kæ dœœ bikæ kään.

2. Kä æ ñu gòr Kuoth Jœ-na šoo dèræ wä rææk kä Ni-na-ba mœ?

-Kæ šoo Kuoth nhœk ji Ni-an-ba.

-Kæ šoo gòr Kuoth kàn ji Ni-na-ba kä buœm duirä, kæ lià, kænæ Ciæ-tan.

3. Kä æ ñu ci Jœ-na rœ bar œ?

-Ci Jœ-na rœ bar kæ šoo /cæ jæ gòr i bæ wä kä ji Ni-na-ba.

4. Kä æ ñu /ci Jœ-na jæ gòr i bæ wä rææk kä Ni-na-ba mœ?

-Kæ šoo ji Ni-na-ba kæ næi ti jæk æ lõñ.

-Kä kæ šoo ji Ni-na-ba kæ ji tÿr Gan lth-rÿl.

-Kä kæ šoo Jœ-na /cæ jæ gòr i bi Kuoth ji Ni-na-ba kæn.

5. Æn Jœ-na luãñæ rœ kæ tœaw nhiam Kucœth?

-Šèth.

6. Æn Jœ-na luãñ rœ kæ bar kæ rœ kä Kuoth?

-Šèth.

7. Æn Jœ-na luãñ æ rœ i bæ Kuoth riæc?

-Šèth.

8. Æ ñu mi ci Kuoth æ làt mœë ci Jœ-na luth Kucœth bäl kæ lòkdæ kæ wä kä Ni-na-ba?

-Cu Kuoth rœc mi diit jæk mi cu Jœ-na rœc.

9. Kä cu Jœ-na tè jìy rēc kæ guààth mi nin di?

-Cuæ tè kæ cãñ dääri dioek kænæ wääri dioek.

10. Æn Jœ-na cæ roe luãñ kæ kàn jìy rēc?

-Šèth.

11. Kä æ ña kårœa mi dè Jœ-na luãñ kæ kàn jìy rēc œ?

-Æ Kuoth.

12. Kä næi diaal cèt kæ kæ Jœ-na idi?

-Cèt kæ min /kèn Jœ-na jæ luãñ i dèræ roe kån jìy rēc, næi diaal /ca ro dè luãñ kæ kàn kã buœm duirã, kæ liã, kænæ Ciæ-tan.

-Cèt kæ min te Kuoth kæ luãñ kårœa kæ kàn Jœ-na, æ jæn Kuoth kårœa tè kæ luãñ kæ kàn nææni diaal œ.

13. Æ ñu mi ci Kuoth æ lät mēē ci Jœ-na jæ lar i cæ luth bäl kã cæ Kuoth duèr duèr?

-Ci Kuoth rēc in diit jakã mi bæ Jœ-na ñœak raar kòõtã.

14. Kæ koer kã mēē ci Kuoth Jœ-na kån, ci Kuoth Jœ-na bèn jioek i ku roe loẽñ kæ wã kã Ni-na-ba?

-Šèth. Kuoth /cæ roe wany.

-/Kèn Kuoth roe mèt wany.

-Kuoth ñõtæ kæ mi gòòræ jæ i bi Jœ-na wã kã ji Ni-na-ba.

15. Ci ji Ni-na-ba nop Kuœth ëē ca lår kæ æ Jœ-na liñ?

-Juã.

16. Kä næi tin ci Kuoth kæ mÿk tœ cœal kæ kæ idi, kæ šoo ba noopkæ nañ raar œ?

-Kæ gòòk.

17. Æ ñu mi ci gòòk æ lår naath?

-Bi naath poor duèeri dhil päl, kã bikæ guœœer ni poor Kuœth kårœa.

18. Æ ñu mi dè tuœœk kä thuuki duèli Gan lth-rÿl dàñ wäl mi ci kæn æ lòk i /ci kæn poor duèèrikiæn bi päl, kæ guur pòri Kuœeth?  
-Bi Kuoth ji A-thir-ya jàk kæ šoo bikæ thuuk duèli Gan lth-rÿl dàñ wäl bèn tiam, kä bakæ bèn jakä kuaany.

19. Æ ñu mi dè tuœœk kä thuuk duèli Juuda dàñ ræw mi /kèn kæn poor duèèrikiæn päl, kæ guur pòri Kuœeth œ?  
-Bi Kuoth ji Bæb-loen jàk kæ šoo bikæ thuuk duèli Juuda dàñ ræw bèn pÿc, kæ šoo bakæ wä jakä kuaany æ kæn.

-Kä kæ šoo ci run ti ñuan wä ni mēē ci Kuoth æ lar i bæ Kään jàk, ci Kuoth läræ bèn päl ruèèc?  
-Šèth.

-Ci Kuoth A-dœm kænæ Yip jiok i bæ Kään jàk.  
-Ci Kuoth Ab-ram, Ai-dhæk, kænæ Jæ-kœb jiok i bæ Kään jàk.  
-Ci Kuoth Mu-thæth kænæ Gaat lth-rÿl jiok i bæ Kään jàk.

-Ci Kuoth Kuäär in diit ni De-bid kæ Thœ-loemœen jiok i bæ Kään jàk.

-/Kèn Kuoth rietdæ päl rueec kæ šoo bæ Kään jàk.

-Kä kæ šoo /kèn Gaat lth-rÿl Kuoth bèn ñäth, ci Kuoth càræ bèn päl kæ šoo /cæ Kään bi jàk?  
-Šèth.

-Kä kæ šoo /kèn Gaat lth-rÿl Kuoth bèn ñäth, kä æ ñu ñöt Kuoth kæ mi caaræ jæ i bæ Kään jàk œ?

-Kæ šoo Kuoth nhœkæ næi diaal.

-Kæ šoo gòr Kuothæ i bæ naath kæn kä buœm duirä, kæ lià, kænæ Ciæ-tan.

-Kæ šoo /ci Kuoth æ gòr i bæ tè kæ rami bi wä Däär Maac mi /Thil Pèk.

-Ci Kuoth nopdæ kàm ña kæ šoo bi Kään bèn?

-Gòòk.

-Kæn noop titi ca kæ goer nikä kæ šoo bi Kään bèn cèt kæ mää ci Kuoth æ lår gòòk œ?

-Tè kæ ræi Buœk Kucœth, min mœ Bayböl.

-Mää /kèn Kuoth Kään ni jæk, ci Kuoth ti diaal guir kä tin bi tuœœk kä Kään.

-Ci Kuoth ñu lar kæ kui Käänä min bæ jæk?

Kuænæ Ai-dha-yæ 9:7a

7-Kæ šoo bi ruecdæ rœ rep kä bi malæ tè thin æ /thil guut. Kä bæ ruc wii kœam De-bid guäth kuäärädæ, kä bæ jæ ciec piny kæ ciañ luœk mi gœa kænæ thucœk mi bi tøy æ /thil pèk.

-Ci Kuoth wèè bi Kään bèn kä kar De-bid min bi la Kuäär mi diit æ mäni cäñ kæl.

-Æ ñu mi ci Kuoth æ nyœk kæ lår kæ kui Käänä min bæ jæk?

Kuænæ Ai-dha-yæ 7:14

14-Bi nyami /thil luum ruet kæ Gat kä bæ jæ dap æ la dhoel, kä ba jæ cœl i Æ-mæn-wæl.

-Ci Kuoth æ lar i bi Kään /thil guàn mi mœ raan kiæ man mi mœ raan, kä bi jæ dap ni nyami /thil luum.

-Æ ñu mi ci Kuoth æ nyœk kæ lår kæ kui Käänä èè cæ lar i bæ jæk?

Kuænæ Mæ-ka 5:2

2-“Kä jin Bæth-læm Æp-ra-tha, kui ni jin kä kar Juuda diaal, kä ji bi kuäär mi bi Gaat lth-rÿl bèn ruac, bèn raar kä ji, kä jæn bæ ni guäth mi tè thin, ni mää.”

-Ci Kuoth wèè i ba Kään dap rææk Bæth-læm.

-Æ ñu mi ci Kuoth æ nyæk kæ lär kæ kui Käänä min bæ jæk?

Kuænæ Šo-thi-yæ 11:1

1-“Mää ñöt lth-rÿl æ gat, cuæ jæ nhœk, kä Yi-jip cuæ gatä ciol raar thin.”

-Ci Kuoth wèè i bæ Kään ciol raar kä Yi-jip.

-Æ ñu mi ci Kuoth æ nyæk kæ lär kæ kui Käänä min bæ jæk?

Kuænæ Ai-dha-yæ 11:2

2-Kä bi Yiëë KUÀR nyuur puœœnydæ–min mœ Yiëë pælä kænæ lieñ mi thiæk, min mœ Yiëë rucä kænæ buœm, min mœ Yiëë ñäckä ñœaani kænæ luth KUÀR--

-Ci Kuoth wèè bi Kuoth min la Yiëë Kään bòth.

-Æ ñu mi ci Kuoth æ nyæk kæ lär kæ kui Käänä min bæ jæk?

Kuænæ Ai-dha-yæ 53:4-5

4-Cuæ rik kœn nañ kä kapæ jiath lòcnikœn, kæ kui æ mœ canæ car ni šoo ci Kuoth æduäc, kä cuæ jæ möc kæ guàr, kænæ

bucœœt.

5-Kä cucœ jæ yiath kæ kui duèèrikoen, kä cucœ jæ cuc kæ kui jïäknikoen; kä duäc èè ci koen noñ mal cucœ thuœk puœœenydæ, kæ kæ kui bucœœtnikæ cucœnæ cu goew.

-Ci Kuoth wèè i bi Kään rik jiek kæ kui nææni diaal.

#### Kuænæ Diit 41:9

9-Æ cãñæ ni määthdä min thiak kæ šä, kä min ñààthä ælòñ, kä mith næi ni tökä kæel, cucœ ñuul ciokädæ riet šä.

-Ci Kuoth wèè ba Kään luœm æ määthdæ.

-Æ ñu mi ci Kuoth æ nyœk kæ lär kæ kui Käänä min bæ jæk?

#### Kuænæ Dhæ-kæ-riæ-yæ 11:12-13

12-Kä cucœ kæ jiok, “Mi cia car æ goea, kàmæ šä pèk làtdä; kä mi cia jæ lòk, kàpæ jæ.” Kä cucœ šä kàm you ti tœœ tÿÿk ti kur dioek.

13-Kä cu KUÄÄR šä jiok, “Yuœeri kæ nhiam tääth dhààri”–æ muc kòkä min ba yiyÿth ni šä! Kä cucœ you ti kur dioek nañ kæ cucœ kæ yuœer piny nhiam tääth dhààri luaak Kuœeth.

-Ci Kuoth wèè ba Kään kœak kæ kur dioek.

-Æ ñu mi ci Kuoth æ nyœk kæ lär kæ kui Käänä min bæ jæk?

#### Kuænæ Diit 27:2

2-Kä mœè ci wuni ti jïäk ro jiæc kæ šoo ba puœenydä näk, kä ci ji tÿrä ro jiæc kænæ næi tin gym kæ šä bèn, cu kæn kœààth koethikä kæ cu kæ tèth.

-Kuoth cæ wèè i ba Kään luœem kæ kac.

-Æ ñu mi ci Kuoth æ nyœek kæ lâr kæ kui Käänä min bæ jæk?

Kuænæ Ai-dha-yæ 50:6

6-Kä cuœ joekä kàm næi tin duàc kæ šä, kä cuœ gièèkä kam næi tin yuœet kæ miem tièkdä; kä /kàn nhamdä toew kæ næi tin pàt kæ jæ kä ñuœel kæ jæ kä ruæi.

-Ci Kuoth wèè ba Kään piem kä ñuœel kæ jæ kä ruæi.

-Æ ñu mi ci Kuoth æ nyœek kæ lâr kæ kui Käänä min bæ jæk?

Kuænæ Ai-dha-yæ 53:7

7-Cuœ jæ yak kä cuœ jæ ciæñ æ jiäk, kä cuœ ñöt kæ mi /kènæ thökdæ læp; cuœ jæ bòth cèt kæ roeaami wa ñöt, kä cètæ kæ roeaami tem kæ miemkæ kä bitæ, inœ /kènæ thökdæ læp bä.

-Ci Kuoth wèè /ci Kään thökdæ bi læp mi wa jæ wä luk.

-Æ ñu mi ci Kuoth æ nyœek kæ lâr kæ kui Käänä min bæ jæk?

Kuænæ Ai-dha-yæ 53:3

3-Cuœ jæ nyìr kä cuœ jæ lòk æ naath, æ rami tèè kæ jiath loœaac, kä cæ rik ti ñuan rut. Cètæ kæ rami ci naath nhiemkiæn tçç kæ jæ, kä /thilæ rami ci loœcdæ jiath kæ kuidæ.

-Ci Kuoth æ lar i bi Ji Juudh Kään bèn lòk.

-Æ ñu mi ci Kuoth æ nyøk kæ lär kæ kui Käänä min bæ jæk?

Kuænæ Diit 69:4

4-Næi tin nyier kæ šä baañ ñuan kæ cet kæ miem wiecdä; ñuani ji tÿrä kæ mi /thil luœt, næi ti gòrkæ ni bàthdä.

-Ci Kuoth æ lar i ba Kään nyier bañ kæ mi /thil luœt.

-Æ ñu mi ci Kuoth æ nyøk kæ lär kæ kui Käänä min bæ jæk?

Kuænæ Diit 22:16

16-Ci jiook šä gòl piny; kænæ buluk nath mi diit mi ci šä gol däär, cu kæn tètka kænæ ciokä puàt.

-Ci Kuoth wèè ba Kään tètka kænæ ciokä puàt.

-Æ ñu mi ci Kuoth æ nyøk kæ lär kæ kui Käänä min bæ jæk?

Kuænæ Diit 22:18

18-Cu kæn bieeynikä dääk kä kamnikæen kä cu kæn kuiir bieeydä nañ kæ märmär.

-Ci Kuoth wèè ba Kään bieeynikæ dääk kæ märmàari æ naath.

-Æ ñu mi ci Kuoth æ nyøk kæ lär kæ kui Käänä min bæ jæk?

Kuænæ Diit 22:6-7



6-Cä cu la læt æ /ci mœ raan, kæ šoo cà šä doeny kä piny æ naath kæ ciokiæn.

7-Cu næi tēē guiæc kæ šä šä buy; cu kæ šä kueth æ lõñ, kä tiñ kæn wuœthkiæn kæ šä.

-Ci Kuoth wèè ba Kään buy kä ba kueth æ naath.

-Æ ñu mi ci Kuoth æ nyœk kæ lær kæ kui Käänä min bæ jæk?

Kuæenæ Ai-dha-yæ 53:12

12-Kä kæ kui æ mœ bä jæ kàm pèk nææni tin dit, kä bæ pÿyc dàak kæ næi ti buœm-buœœm, kæ šoo cæ tèkdæ thop æ mäni lià, kä cuœ jæ kuÿn ræi ji duèèri. Kæ šoo cæ duèèr nææni diaal šàc, kä cuæ pal kæ kui ji duèèri.

-Ci Kuoth wèè bi Kään liu kæ næi ti jiæk kææel.

-Æ ñu mi ci Kuoth æ nyœk kæ lær kæ kui Käänä min bæ jæk?

Kuæenæ Ai-dha-yæ 53:9

9-Cuœ jæ möc kæ kœààk kunyä kæ næi ti jiæk kææel, kä cuœ jæ kõny æ rami riãñ-riãñ kæ cãñ lièthdæ, /kènæ mèt ñÿÿny kä cuæ /thil mi latae kæ thökdæ.

-Ci Kuoth wèè ba Kään kõny æ rami riãñ-riãñ.

-Æ ñu mi ci Kuoth æ nyœk kæ lær kæ kui Käänä min bæ jæk?

Kuæenæ Diit 16:10

10-Kæ šoo /ci šä bi pàl tàà ræi kœkä, kä /ci raandu min Šæl rœ bi pàl nhiab muun.

-Ci Kuoth wèè bi Kään rœ jæc lith.

-Æ ñu mi ci Kuoth æ nyœk kœ lâr kœ kui Käänä min bæ jæk?

Kuænæ Diit 68:18

18-Guäth in ba kàpni ji nhial, bi tin ca yian löny kœ ji kœæel.

-Ci Kuoth wèè bi Kään löc cieñ nhial.

-Ni mää /kèn Kuoth Kään ni jæk, ci Kuoth tin diaal tin bi tuœœk kä Kään rialikä.

-Ci gòok Kuœth ruac kœ Gaat lth-rÿl kœ kui bènä Käänä min bi Kuoth æ jæk.

-Ci gòok Kuœth Gaat lth-rÿl jiok bä i bi kæn poor jiäkni dhil bány piny kä bi kæn guœœer ni poor Kuœth.

-Ci riu Gan lth-rÿl gòok Kuœth bèn liñ?

-Šèth.

-Æ ñu mi ci Gaat lth-rÿl æ lät kä gòok?

-Ci kæn kœ näk.

-Kä æ ñu ci Gaat lth-rÿl gòok Kuœth näk œ?

-Kæ šoo ci gòok Kuœth Gaat lth-rÿl jiok i pälæ poor jiäni kä guœœeræ ni poor Kuœth.

-Kä kæ šoo ci gòòk Kuøeth Gaat lth-rÿl jìok i bi Kuoth duèèrkiæn duäc kæ liä.

-Kä kæ šoo Gaat lth-rÿl nhøek kæn duèèrkiæn, kä /ci kæn æ gòr i bi kæ Kuoth kàm luth.

-Kä kæ šoo dè kæn liñ ni gòòk Kuøeth, cu Gaat lth-rÿl liñ ni ña?

-Cu kæn liñ ni gòòk guääyni.

-Ci gòòk guääyni wèè kæn kæ gòòk Kuøeth, kä kæn pàny kæ gòòk Ciæ-tan.

-Ci gòòk guääyni wèè /ci Kuoth duèèrkiæn bi duäc.

-Ci gòòk guääyni wèè lat kæn ni thuøøek Kuøeth, kä lat kæn ni ñu?

-Lat kæn ni kàacni Ciæ-tan.

-Æ ña æn min ruac kæ duøøep gòòkni guääyni?

-Æ Ciæ-tan.

-Æn tāmæ, Ciæ-tan ñötæ kæ mi latæ kàacni kæ duøep nath?

-Juä.

-Ciæ-tan ruacæ kæ duøep nath i /ca Kuoth bi guøøer.

-Ciæ-tan ruacæ kæ duøep nath i ba guøøer ni ciañ guàni nath tèè wal.

-Ciæ-tan ruacæ kæ duøep nath i Ruac Kuøeth i /ciæ thuøek.

-Ciæ-tan ruacæ kæ duœp nath i Kuoth /cæ duer bi duäc.

-Kä kæ šoo pal Gaat lth-rÿl guàc tèë ca täth, ñöt kæn bä kæ mi pal kæn Kuoth luaak palä mi diit?

-Juä.

-Ci Kuoth pal Gan lth-rÿl tè pal kæ guääyni tè ca täth æ kæn, kænæ wä palä luaak Kuœth bèn nhœk?

-Šèth.

-Kä æ ñu?

-Kæ šoo Kuoth ñäcæ jæ i pal kæ ni jæ kæ lèèpkïæn kärœa.

-Kæ šoo ñäc Kuoth æ i pal kæn ni tin ca täth kæ lòckiæn.

-Æ ña mi ñäc lòckoen diaal?

-Æ Kuoth.

-Kuoth næænæ lòckoen diaal.

-Kuoth ñäcæ jæ æn šoo mi pal koen ni Jæ kæ lèèpkœn kiæ kæ lòckoen.

-Æ ñu mi ci Kuoth æ lar kæ kui lòcnikœn?

-Ci Kuoth æ lar i ci lòckoen thiàañ kæ dueer.

-Kä kæ šoo riu Gan lth-rÿl diaal pal kæ ni guääyni ti ca täth æ kæn, lælæ tè kæ duœth Gan lth-rÿl ti pal kæn ni Kuoth kärœa?

-Juä.

-Tææ kæ ti tœt.

-Kä Gaat Ith-rÿl tin pal kæ ni Kuoth kärœea lÿp kæn ni ñu?

-Lÿp kæn ni Kuoth mi bi kæ jækä Kään.